

Пойтахтдаги “Мұхсінхон тұра” масжиди қайта таъмирланды




09:13 / 02.11.2018 3554

Куни кече Тошкент шаҳри Чилонзор туманидаги “Мұхсінхон тұра” жоме масжиди биносининг янгидан бунёд этилиши муносабати билан очилиш маросими бўлиб ўтди. Бу ҳақда Ўзбекистон мусулмонлар идораси Матбуот хизмати [хабар берди](#).





Юртимиздаги таниқли уламолар, имом-хатиблар ва кўплаб намозхонлар ушбу масжидда пешин намозига жам бўлдилар ва ўзларининг илиқ сўзларини билдирилар. Сўзга чиққан нотиқлар, мана шундай жомени қайтадан барпо этилиши давлатимиз раҳбари томонидан амалга оширилаётган диний-маърифий соҳадаги ислоҳотларнинг ёрқин намунаси экани, мўмин-мусулмонларга катта тухфа бўлгани ва шундай гўзал масжидда ибодат қилишдан баҳтиёр эканларини изҳор қилишди.





Қурилиш ишларига энг моҳир уста ва муҳандислар жалб этилди. Бундай эзгу ишга ҳисса қўшиш истагидаги қурувчилар ўз маҳоратларини кўрсатиб, бор куч-ғайрат билан меҳнат қилишди.

Очилиш маросимиға ташриф буюрганлар масжиднинг гўзал шаклда, замонавий услублар ва миллий қадриятларимизни ўзида акс этган биносини кўздан кечириб, ушбу масжид мусулмонлар учун мўътабар маскан сифатида хизмат қилишини алоҳида таъкидлаб, хайрли дуолар қилдилар.

Islom.uz портали таҳририяти